



partii naleraq

UPA2017/125

Immikkoortup 125 siullermeerneqarnera:

Uunga siunnersuut: Pisortani Digitalimik Allakkerineq pillugu Inatsisartut inatsisaat nr. xx, xx. xxx. 2017-imeersoq

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Siunnersuut Partii naleqqamiit imatut oqaaseqarfiggissavarput:

Qaannamiit allakkisartarnermiit maannamut qarasaasiaq aqqutigalugu allakkat ukiut untritillit iluinnaani apuukkasuartalernerat.

Iluatillugu oqaasilerisoqaratta qularnanngitsumillu annertusiartortumik oqaaseq digital atorneqaleriartortussaammat inussiarnersumik oqaasiliortut oqaatitsinnik naggueqartumik nassaarniaqqullugit kaammattorusuppagut.

Naalakkersuisunngortitsinermi isumaqatigiissummi 2016-imiit 2018-imoortumi aalajangerneqarpoq pisortat ingerlatseriaasiannik pisariillisaaneq ingerlateqqinneqassasoq, taamaaliornikkut innuttaasut sullinneqarnerat pitsanngorsarneqarlunilu assigiissarneqassammat.

Tassunga ilanngullugit:

- Digitalinngortiterineq annertunerusoq aqqutigalugu suleriaatsit, aalajangiinerit aamma innuttaasunik sullissinerit sapinngisaq tamakkerlugu ersarinnerulersinneqassapput.
- Pisortat ingerlatsiviini tamani aningaasartuutikillisaaneq ingerlanneqassasoq, avatangiiseq eqqarsaatigalugu nukissiuutitigut aqqiissutit, kiisalu innaallagissamik, imermik aamma kiassarnermik annikinnerusumik atuineq aqqutigalugit.
- Namminersorlutik Oqartussani aamma kommunini suliat sukkaneruseqarnerumik suliarineqartarnissaannik piumasaaqateqarneraq.

Uanilu siunnersuummi inatsisartunut aalajangingassanngortinneqartumi tamanna naammasiniarneqarmat qujassutigaarput, ataatsimiititaliamilu siunertamut naapertuuttumik oqaasertaliortoqarsimanera qulakkeeqqullugu aappasaaneerneqannginnermini inussiarnersumik Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut ingerlateqqinnissaanut tassanilu aamma Sanaartornermut Ataatsimiititaliaq nalilersueqatigalugu isumaliutissiissusiortoqarnissaa innersuussutigalugu.

Qujanaq

Per Rosing-Petersen